

gustav / April 27, 2013 12:07PM

[《仁王護國般若波羅蜜多經觀如來品第二》](#)

◎ 以諸法性即真實故，無來無去、無生無滅，同真際、等法性，無二無別猶如虛空，蘊、處、界相無我我所。是為菩薩摩訶薩修行般若波羅蜜多。

◎ 以諸法性悉皆空故，由世諦故，由三假故[，]一切有情蘊、處、界法，造福、非福、不動行等，因果皆有：三乘賢聖所脩諸行，乃至佛果，皆名為有：六十二見亦名為有。大王！若著名相分別諸法，六趣、四生、三乘行果，即是不見諸法實性。

-- 《仁王護國般若波羅蜜多經卷上．觀如來品第二》唐大廣智大興善寺三藏沙門不空奉詔譯（[CBETA全文](#)）

別譯：《仁王護國般若波羅蜜多經》姚秦三藏鳩摩羅什譯（[CBETA全文](#)）

T08n0246_p0835b09(00) 仁王護國般若波羅蜜多經觀如來品第二
 T08n0246_p0835b10(00) 爾時世尊從三昧起，坐師子座，告大眾言：
 T08n0246_p0835b11(02) 「吾知十六諸國王等咸作是念：『世尊大慈，
 T08n0246_p0835b12(02) 普皆利樂。我等諸王，云何護國？』善男子！
 T08n0246_p0835b13(04) 吾今先為諸菩薩摩訶薩，說護佛果、護十地行。
 T08n0246_p0835b14(03) 汝等皆應諦聽諦聽，善思念之。」是時大眾——
 T08n0246_p0835b15(04) 波斯匿王等，聞佛語已，咸共讚言：「善哉，善哉！」
 T08n0246_p0835b16(04) 即散無量諸妙寶花，於虛空中變成寶蓋，
 T08n0246_p0835b17(05) 覆諸大眾靡不周遍。時波斯匿王即從座起，頂禮佛足，
 T08n0246_p0835b18(01) 合掌長跪而白佛言：「世尊！菩薩摩訶薩，
 T08n0246_p0835b19(03) 云何護佛果？云何護十地行？」
 T08n0246_p0835b20(00) 佛告波斯匿王言：「護佛果者，
 T08n0246_p0835b21(06) 諸菩薩摩訶薩應如是住，教化一切卵生、胎生、濕生、化生，
 T08n0246_p0835b22(01) 不觀色相，不觀色如，受、想、行、識，我人知見、
 T08n0246_p0835b23(02) 常樂淨倒、四攝、六度、二諦四諦、
 T08n0246_p0835b24(07) 力無畏等一切諸行，乃至菩薩、如來亦復如是，不觀相、不觀如。
 T08n0246_p0835b25(00) 所以者何？以諸法性即真實故，無來無去、
 T08n0246_p0835b26(01) 無生無滅，同真際、等法性，無二無別猶如虛空，
 T08n0246_p0835b27(00) 蘊、處、界相無我我所。
 T08n0246_p0835b28(09) 是為菩薩摩訶薩修行般若波羅蜜多。」
 T08n0246_p0835b29(00) 波斯匿王白佛言：「世尊！若菩薩、
 T08n0246_p0835c01(05) 眾生性無二者，菩薩以何相而化眾生耶？」佛言：「大王！色、受、
 T08n0246_p0835c02(00) 想、行、識常樂我淨，法性不住色、不住非色。受、
 T08n0246_p0835c03(00) 想、行、識常樂我淨，亦不住淨，不住非淨。
 T08n0246_p0835c04(02) 何以故？以諸法性悉皆空故，由世諦故，由三假故。
 T08n0246_p0835c05(00) 一切有情蘊、處、界法，造福、非福、不動行等，
 T08n0246_p0835c06(01) 因果皆有：三乘賢聖所脩諸行，乃至佛果，
 T08n0246_p0835c07(02) 皆名為有：六十二見亦名為有。大王！
 T08n0246_p0835c08(05) 若著名相分別諸法，六趣、四生、三乘行果，
 T08n0246_p0835c09(06) 即是不見諸法實性。」
 T08n0246_p0835c10(00) 波斯匿王白佛言：「諸法實性，清淨平等，
 T08n0246_p0835c11(02) 非有非無，智云何照？」佛言：「大王！智照實性，
 T08n0246_p0835c12(03) 非有非無。所以者何？法性空故。是即色、受、想、行、識，
 T08n0246_p0835c13(01) 十二處，十八界；士夫六界，十二因緣；二諦，四諦，
 T08n0246_p0835c14(00) 一切皆空。是諸法等，即生即滅，即有即空，
 T08n0246_p0835c15(01) 剎那剎那亦復如是。
 T08n0246_p0835c16(11) 何以故？一念中有九十剎那，一剎那經九百生滅，諸有為法悉皆空故。
 T08n0246_p0835c17(00) 以甚深般若波羅蜜多，照見諸法，一切皆空：
 T08n0246_p0835c18(00) 內空、外空、內外空、空空、大空、勝義空、有為空、
 T08n0246_p0835c19(00) 無為空、無始空、畢竟空、散空、本性空、自相空。
 T08n0246_p0835c20(00) 一切法空：般若波羅蜜多空、因空、佛果空，
 T08n0246_p0835c21(01) 空空故空。諸有為法，法集故有、受集故有、

T08n0246_p0835c22(02) 名集故有、因集故有、果集故有、六趣故有、
 T08n0246_p0835c23(03) 十地故有、佛果故有，一切皆有。「善男子！
 T08n0246_p0835c24(05) 若菩薩住於法相，有我相、人相，有情知見，
 T08n0246_p0835c25(06) 為住世間即非菩薩。所以者何？一切諸法悉皆空故。
 T08n0246_p0835c26(03) 若於諸法而得不動，不生不滅，無相無無相，
 T08n0246_p0835c27(03) 不應起見。何以故？一切法皆如也。諸佛、法、僧亦如也。
 T08n0246_p0835c28(00) 聖智現前最初一念，
 T08n0246_p0835c29(09) 具足八萬四千波羅蜜多，名歡喜地；障盡解脫，運載名乘；動相滅時，
 T08n0246_p0836a01(00) 名金剛定；體相平等，名一切智智。
 T08n0246_p0836a02(00) 「大王！此般若波羅蜜多文字章句，百佛、千佛、
 T08n0246_p0836a03(00) 百千萬億一切諸佛而共同說。
 T08n0246_p0836a04(05) 若有人於恒河沙三千大千世界，滿中七寶以用布施，
 T08n0246_p0836a05(01) 大千世界一切有情皆得阿羅漢果；
 T08n0246_p0836a06(04) 不如有人於此經中乃至起於一念淨信，
 T08n0246_p0836a07(05) 何況有能受持、讀誦、解一句者。所以者何？文字性離，
 T08n0246_p0836a08(02) 無文字相，非法非非法。般若空故，菩薩亦空。
 T08n0246_p0836a09(02) 何以故？於十地中，地地皆有始生、住生及以終生，
 T08n0246_p0836a10(00) 此三十生悉皆是空；一切智智亦復皆空。
 T08n0246_p0836a11(02) 「大王！若菩薩見境、見智、見說、見受，即非聖見，
 T08n0246_p0836a12(01) 是愚夫見。有情果報三界虛妄——
 T08n0246_p0836a13(06) 欲界分別所造諸業，色四靜慮定所作業，
 T08n0246_p0836a14(07) 無色四空定所起業——三有業果一切皆空，三界根本無明亦空。
 T08n0246_p0836a15(00) 聖位諸地無漏生滅，於三界中餘無明習，
 T08n0246_p0836a16(01) 變易果報亦復皆空。等覺菩薩得金剛定，
 T08n0246_p0836a17(02) 二死因果空，一切智亦空。佛無上覺種智圓滿，
 T08n0246_p0836a18(01) 擇非擇滅真淨法界，性相平等應用亦空。
 T08n0246_p0836a19(03) 「善男子！若有修習般若波羅蜜多，說者、聽者，
 T08n0246_p0836a20(02) 譬如幻士，無說、無聽。法同法性，猶如虛空，
 T08n0246_p0836a21(03) 一切法皆如也。「大王！菩薩摩訶薩護佛果為若此。」
 T08n0246_p0836a22(00) 爾時世尊告波斯匿王言：
 T08n0246_p0836a23(08) 「汝以何相而觀如來？」波斯匿王言：「觀身實相，觀佛亦然——無前際、
 T08n0246_p0836a24(00) 無後際、無中際，不住三際不離三際；
 T08n0246_p0836a25(03) 不住五蘊不離五蘊；不住四大不離四大；
 T08n0246_p0836a26(04) 不住六處不離六處；不住三界不離三界；
 T08n0246_p0836a27(05) 不住方不離方；明無明等非一非異；非此非彼；非淨非穢；
 T08n0246_p0836a28(00) 非有為非無為；無自相無他相；無名無相；
 T08n0246_p0836a29(01) 無強無弱；無示無說；非施非慳；非戒非犯；
 T08n0246_p0836b01(02) 非忍非恚；非進非怠；非定非亂；非智非愚；
 T08n0246_p0836b02(03) 非來非去；非入非出；非福田非不福田；非相非無相；
 T08n0246_p0836b03(00) 非取非捨；非大非小；非見非聞非覺非知；
 T08n0246_p0836b04(01) 心行處滅，言語道斷；同真際、等法性——
 T08n0246_p0836b05(04) 我以此相而觀如來。」佛言：「善男子！如汝所說。
 T08n0246_p0836b06(04) 諸佛如來力、無畏等恒沙功德，諸不共法悉皆如是。
 T08n0246_p0836b07(01) 修般若波羅蜜多者應如是觀，
 T08n0246_p0836b08(06) 若他觀者名為邪觀。」說是法時，無量大眾得法眼淨。
 T08n0246_p0836b09(00) 仁王護國般若波羅蜜多經

Edited 2 time(s). Last edit at 04/29/2013 10:32AM by gustav.